

Ci IEEKARE HO KU PIYEEER a ba

Ci IEEKARE HO KU Piyeer a ba bi

gasuure

Yeezuu karundanyi Piyeer ɪ ci bi ba. Ci bi ba a ɔ kristagɔɔɔ sokomaro ku η nyunta Azii mineer kuro ɔ ro woɔ ma. Zɔfɔro nyunta kristagɔɔɔ woɔ duro barla, bi, gɔɔɔ ku η gɔɔta ro woɔ, doro wantɔɔ gɔɔɔ m.

Ci bi ba a ɔ, kristagɔɔɔ ku η ni fir yim a sarakare to ma, η heer n'a zarm no woɔ minto. Ku η ni jum kɔɔkɔɔ, ηni gɔɔta ηni ho k'a Woso no yi bi ba mim haay no ɔ. Ku η ni leboore ku Woso n ni zem b'a ka η ɔ bi nyasu a heer ɔ kɔɔkɔɔ.

N Piyeer ze godarkora ma a sarakare to ma, Rom zanno ku η wuti ηn'ɪ fir kam kristagɔɔɔ ma bi domum ɔ. Pol nyunta kristagɔɔɔ firyre bi do no ɔ so.

Piyeer ɪ yaa dam kristagɔɔɔ m

^I Moɔ miηηa Piyeer ni ci bi bam, Yeezuu Krista zibæzaa m moɔ m. A ba moɔ nawom awoɔ ku Woso a bo ɔ k'a yi a gɔɔɔ a hisiga da, a m saanɔɔ Pɔn ku ɔ kan Galasii ku ki ɔ, Kapados ku ki ɔ, Azii kan Bitinii kuro ku ɔ ro woɔ ma. ^{II} Zi Woso y'awɔɔ bo ɔ, amba a lee ka an a cɪnta a hoɔnhɔ no ɔ k'a ba bi to ma, a y'a so awoɔ ɔ, a Espri k'a a ka awoɔ ɔ bi to ma, k'awɔɔ n ye Yeezuu Krista ma, k'a ma bi n'awɔɔ hu bo. A ye moɔ nawom,

kʊ Woso n a barka, kan a laafu ki ka awɔɔ ɔ gʊta.

Woso barka dare bʊmbɔre bi tɔ ma

III Ɔ ɔ le bɔ Woso ɔ, wɔɔ Zuuba Yeezuu Krista Zɪ bi, bala, a cicirzere gʊta bi nɔ ɔ, a a ka wɔɔ n yuredaa yi, k'ɔ taaheerle paan... yi, Yeezuu Krista k'a a mum bɔ ɔ gæno bire ɔ bi tɔ ma. IV A ba a ɔ maam kʊ wɔɔ n hɔjirle k'a b'a dam ma an vɔn gɛɛ an dintim ka, gɛɛ a paŋŋa n a bɔ ɔ yi, hɔjirle bi do Woso a cɪnta awɔɔ m arzana ɔ. V Awɔɔ kʊ Woso paŋŋa nɪ dɔre a ma sɪrakare tɔ ma, k'awɔɔ n bi bʊmbɔre k'an b'a hɪnkam leem je dɔmum ɔ bi yi.

VI Bi tɔ ma m, awɔɔ n'a heer nyɔɔm gʊta, baa kʊ pakra m k'awɔɔ n fir yi dutaa, makrarɔ y'a hɔnhɔ kʊ ŋ n'awɔɔ heer zarm dɔmum poorero nɔɔn duro nɔ ɔ. VII Fir bi yire bi, awɔɔ sɪrakare makra an n'a bam, kʊ sɪrakare paan... m gɛ. Awɔɔ sɪrakare bi mɪŋŋabaa le da sarma m, hɔcenlezaa m bi, an bɔkare n tir a makra ba se ɔ, k'a mɪŋŋabaa dɔ. Ncɪnaaɔ bi, awɔɔ sɪrakare bi makra je ɔ, awɔɔ leboɔre kan cirbɔɔ ki, daɔre ki yim dɔmum kʊ Yeezuu Krista n b'a hɪnkan ɔ b'ɔ. VIII Awɔɔ ɪ Yeezuu Krista mɪŋŋa ŋɔam b'awɔɔ n a yi a mum nɪ y, awɔɔ sɪra ka ɔ, b'awɔɔ n a yi cɪna y. Naa tɔ ma m, awɔɔ n'a heer nyɔɔm heernyɔɔ gandaa ɔ m, gɔsɪ b'a dam ma an heernyɔɔ gʊta bi do dɔ an a hɪ y. IX K'awɔɔ nɪ zem b'a nyiro wɔɔ bʊmbɔre yi bi, bi y'a ka Woso ɔ awɔɔ n sɪra ka.

Hɔ kʊ Sent-Espri a ba Krista tɔ ma biisi

X Wosolesinnusorazanno kũ η nynta biisi ηnũ so Woso le ra, ηnũ barka kũ Woso ũ k'a ka awoo ũ bũ mim hũ bũ, η bombore k'awoo n nũ zem b'a yũ bũ daasi ηn'a a ka. XI A ka η y'a ũ ma, k'a minno kũ Krista Espri b'a hũnka η nũ bũ kũyũre dũmũm kan η zaarũ kũ dũ, bala, Espri bũ do k'a nynta kan η kũ bũ lēē ka an fũryũrũrũ kũ Krista n'a yũm bũ mim hũ, kan lebũũre k'a n'a yũm, fũr bũ yũre jē ũ bũ kũ. XII Bũ, Woso a hũnka a lesinnusorazanno woo duro m, a ũ, lemim k'a ka kũ η nũ so ra bũ, a n a ka η bũũm tũ ma y, awoo hũ m. Lemim nynta bũ do padũnno woo a hũ awoo m, bũ, a pa η y'a da awoo m *Sent-Espri paηηa kũ Woso a ka η ũ bũ m. Malēkarũ mũηηoo n le taa k'a lemim bũ do dũ gũta.

Mũsũrbaa zore bare mim

XIII Naa tũ ma bũ, k'a a banka, k'a ta lēē kan zibēē kũ, a b'a zu a ũ y, k'a barka kũ Woso n'a karē awoo ũ Yeezũũ Krista hũnkare ma bũ ta a heer le kũũkũũ. XIV Amba nyũũũ nũ yere a zũũũ ma bũ, k'a ye Woso ma, a b'a ya a zu letaamarũ bũnyaarũ k'awoo n ta η nũ biisi badũ nũ ũ rũ woo ũ y. XV Bũ, amba Woso k'awoo bir bũ n mũηηa bũ, awoo sũ k'a bir mũsũrbaa mũηηa bam a tare haay nũ ũ. XVI Bala, Woso a hũ a ci b'ũ, a ũ: «K'a yũ mũηηa, bala, moo mũηηa.»

XVII Woso k'a nũ gũũũ dũdũ kam b'a bũr η jire bũũm bũ, awoo nũ yaa dam nũ a ũ, a Zũ m, gũaa biyēē dũdũ an n'a kam amba a zaa zibēē a ga m bũ m. Bũ tũ ma bũ, k'a mũsũrbaa k'a gũũũ awoo m, awoo n'a bam tara burē ũ bũ ba, Woso mũηηa daũre kan a nyibēē kũ nũ ũ. XVIII Awoo dũ a ũ, mũsũrbaa k'a nyũũũũ ba ũ, awoo zũũũ n a to awoo

m bi, Woso awoo yo b'ɔ. Bi, ho k'a n'a zaar bam, gee wanzurfu gee sarma bee a a sa, an awoo yo ni y. **XIX** Awoo yo a ɔ, Krista ma ku n b'a dam ma n a le hi bi m, bo b'ɔ ku ɔ kan sinnyeem k'a m muɲa, ho bonyaa si ba ma bi ki. **XX** Woso lee ka an a bo ɔ, bi ma bi, durnya ba ɔ y. Keere naa, a a hinka je domunno ɔ, awoo daahan to ma. **XXI** A to ma m, awoo n sira ka Woso ɔ, bi y'a mum bo ɔ gæno bire ɔ, an leboore ka ɔ, yi a ɔ ncinaaɔ, k'awoo sirakare kan awoo taaherle ki n yo Woso ma.

K'a misirbaa ba nsoare no ɔ

XXII Ye k'awoo ɔ sira ma b'a ka, awoo nyiro woo hu n bo, k'a a da ma, a ku nsoa paan... danyirbaa no ɔ. K'a ku nsoa gɔta noom hu m. **XXIII** Bala, yiredaa awoo yi, b'a n a to gɔaa zi y, gɔaa i gam, bi Woso y'awoo yi, a gare ba ɔ y. A lemim k'an misir a cenle ba ɔ b'a sa an awoo yi m. **XXIV** Amba Wosoci n'a hum bi m bi:
 Goo haay bo ku ɔ kan bur ki,
 leboore ku η ni tam haay bi
 bo ku ɔ kan burvu ki,
 ku bur bi ga, b'a vu bi sur.
XXV Bi Zuuba lemim b'i gootam
 domum haay.
 Bi, lemim bi do bi, lemim nyinta ku n y'a pa da
 awoo m bi m.

II

^I K'a bonyaabaa do haay to kan nsoaar do haay ki, noombakuma ki, a bi jum ba y, b'a b'a bonyaa hi gɔsi ma y. ^{II} Amba nyinto poorero ni nyonhi nsoam bi, k'a Woso lemim k'an muɲa bi nsoa

tee... k'a a da ma a ma Woso zaa bi no u, a
bumbore yi. III Bala, Wosoci bi y'a hum denter,
a u:
Awoo b'a do a u, Zuuba miŋŋa.

Woso guoo m woo m

IV K'a zo Zuuba ma, jaa misur m, guoo n kaanm
m, bi, Woso diga a jaa tozaa m, an a bo u. V K'a
a zo ma, bala, awoo bo ku u kan jaa misuro ku
so, ku Woso n awoo sa an awoo ba Sent-Espri ce.
Awoo yire a manɔbɛnno ku ŋ y'a miŋŋa ka u,
k'a manuro ku ŋ y'a to Sent-Espri zi ro woo ba
a ŋ ka Woso u, a yi ŋ ŋoam Yeezuu Krista to ma.

VI Bala, Wosoci bi no u, n u:

K'a diga a, moo i jaa paŋŋazaa cuntam *Siyon u,
moo y'a bo u, jaa tozaa m guta,
gɔaa k'a sira ka u bi, a bi nyanni bire y.

VII Awoo k'a sira ka u ro woo,

jaa naa do to ma awoo i leboore m,

bi ku bisukɛnno woo ni, Wosoci b'a hi, a u:

Jaa ku cedonno woo kaanm m bi y'a ba ce bi
jurjaa paŋŋazaa.

VIII Wosoci b'a y'a an a hi so, a u:

Jaa bi do a ba guoo gɛnzere jaa, ŋ dore jaa.

Ku ŋ n sira ka Woso lemim b'u bi y'a ka ŋn'a gɛm
zem ma, Woso lee ka an a cinta k'an yi ncinaaɔ.

IX B'awoo, guoo ku Woso ŋ bo u ro woo n'awoo
m, cir m Woso m, a manɔbɛnno n'awoo m, guoo
ku Woso a so ŋ u ro woo n'awoo m, Woso miŋŋa
y'awoo ba a ho, k'awoo n a zibæro gutoo woo
pa da, a y'awoo bir an bo awoo m monsigə u,
an bur awoo m a leegure k'an miŋŋa guta b'u.

X Biisi bi, Woso bi guoo bæe n'awoo ni y, bi keere

naa, a gɔɔɔ n'awɔɔ m. Biisi bi, Woso n a cicirzere hunka awɔɔ ni y, bi keere naa, a awɔɔ cicir ze.

Kristagɔɔɔ mɔsɪrbaa mim

XI M danyɩno ŋɔare no ɔ, k'a do a ɔ, cenlezanno n'awɔɔ m tara burɔ ɔ naa ɔ, saanɔɔ n'awɔɔ m, bi to ma bi, k'a go letaamaro bonyaaro wɔɔ ma, a ka ŋ nawom ma k'a awɔɔ zaar ba.

XII K'awɔɔ ni gɔɔɔ ku kristagɔɔɔ beɛ ni ŋ mi bire ɔ bi, k'a mɔsɪrbaa k'an zore ba, k'an bir yire i ɔ, ku ŋ y'awɔɔ to zaar bare, ŋn'a hire ŋ ɔ, gɔɔɔ bonyaaro n'awɔɔ ni, ku ŋ n'awɔɔ zibæro miŋŋɔɔ wɔɔ yi, maam bi, ŋ y'a le bom Woso ɔ, hinni k'a n'a hunkare ŋ ni b'ɔ.

XIII K'a ye leezanno ku ŋ ni durnya ɔ naa ɔ haay ro wɔɔ ma Zuuba to ma. Ku cir ni, k'a ye ma k'a m cir bi to ma. **XIV** Ku gɔɔɔ ku cir n cɩncɩnta ku ŋ n a so leero ɔ wɔɔ ni, k'a ye ŋ ma so, ŋ cɩncɩnta a ɔ, ku ŋ ni gɔɔɔ ku ŋ n'a bonyaa bam no wɔɔ hɔnhɔr, ŋn'a le bo gɔɔɔ ku ŋ n'a miŋŋa bam no wɔɔ ɔ. **XV** Bala, Woso le taa k'awɔɔ n bir a miŋŋa bam, ku gɔɔɔ ku ŋ hɔɔn ba ɔ, ŋ n hɔsi do ro wɔɔ b'a da ma ŋni hɔsi hi y. **XVI** K'awɔɔ a so a miŋŋɔɔ ɔ bi, k'a mɔsɪrbaa ba, b'a bi yo soamiŋŋaɔ bi do ma, k'a bonyaa ba y. Bi k'a mɔsɪrbaa bi ba, ku Woso zibænyɩno n'awɔɔ m bi to ma. **XVII** K'a gɔɔɔ haay da ɔ, k'a danyɩno Krista no ɔ ro wɔɔ ŋɔa, k'a nyi ba Woso m, k'a cir da ɔ so.

U Krista hɔbaa sa

XVIII Awɔɔ ku zibænyɩno n'a mi ro wɔɔ, k'a ye a sourezanno wɔɔ ma daure gɔta no ɔ, k'a ba ncɩnaaɔ kan boɔ n nyɩnta kan awɔɔ ki, ŋn'a miŋŋa bare awɔɔ m no wɔɔ ki. K'a ba ncɩnaaɔ

so, kan boɔ n kɔsi ro woɔ ki. **XIX** Bala, kɔ goaa ɪ yem fir ma Woso tɔ ma, bi kuro beɛ a ɔ ma an ni fir bi do yire, Woso no ɪ yim bi zaa ra. **XX** Bi, k'awɔɔ bonyaa ba, ηni fir kare awɔɔ ma, nka n'a le bore awɔɔ ɔ naa tɔ ma? Bi, k'awɔɔ mɪηηa ba, n ni bokare n ni fir kare awɔɔ ma, awɔɔ ni yem ma boraama no ɔ, Woso no ɪ yire awɔɔ ra naa no ɔ. **XXI** A n bokare Woso bi, awɔɔ bir a ɔ, naa tɔ ma. Bala, Krista fir yi awɔɔ tɔ ma, an n'a ηsam k'awɔɔ n a hoɔbaa sa.

XXII A mɪηηa n mimbonyaa si ba y,
a n ηsaar ba fiɔga y,

XXIII n y'a sunso wo,
b'a n a sompi goaa n'ɔ y,

gɔɔɔ fir ka ma,
b'a n nyaa ba kan η ki y,
a mɪηηa to a ɔ, Woso wo ɔ,
bi n ni doɔɔ kam tɪrga.

XXIV A mɪηηa ɪ ye an woɔ mimbonyaaɔ woɔ sa
an fir yi η ni, an ga godarkora ma, k'an bir yire
ɪ ɔ,

gəeno n woɔ m woɔ mimbonyaaɔ woɔ leɛ,
k'ɔ mɪsɪrbaa ba tɪrgabaa no ɔ.

A mɪηηa sampɔɔrlɔ woɔ tɔ ma m, awɔɔ n laafu
yi.

XXV Bala, biisi bi, awɔɔ nyaam am seero ho bi m,
bi keere naa, awɔɔ a bo a bor a dundor bi zi, an
ni doɔɔ awɔɔ ma so.

III

Gɔaa kan a lo ki mɪsɪrbaa mim

¹ Lanno woɔ, awɔɔ so, k'a zu a zino woɔ le ɔ,
maam bi, kɔ goɔɔno ta ɔ, η bir sira kam Woso

lemim b'ɔ, kɔ η lanno wɔɔ zibəə n a ka, kɔ η nɪ sɪra ka Woso ɔ, baa kɔ η n meer ba y. ^{II} N y'awɔɔ mɪsɪrbaa k'an mɪŋŋa, an nɪ zure η lɛ ɔ bɪ yɪm. ^{III} A b'a ka ma k'a a mɛ gɔɛɛ da ma, mɪntɔɔnrɛ m, gɛɛ sarma nyɛɛnno nɪ, gɛɛ garbare waasi nɪ y. ^{IV} Bɪ k'a ka k'a gɔɛɛ bɪ n bɪr a heer ɔ, bɔgɔ-bɔgɔdabaa kan bɔraama kɪ gɔɛɛ bɪ, bɪ nyarɛ ɪ ba ɔ y, a nyɔɔɔɔ ta ɔ sɔ Woso mɪm ɔ gɔta. ^V Lanno kɔ η nyɪnta biisi ηn'ɪ zum Woso ɔ rɔ wɔɔ, gɔɛɛbaa naa do ηnɪ ta m, ηn'ɪ zure a zino lɛ ɔ. ^{VI} Nyɪnta Saara ɔ nɔɪnaaɔ, an nɪ yɛm Abraham lɛ ma, an n'a birm a zuuba, k'awɔɔ y'a mɪŋŋa bam, awɔɔ bɪr a tom hɔsɪ nɪ nyibəə dare a ma, awɔɔ nyɪntare a nyɪnɔ.

^{VII} Awɔɔ k'an zino wɔɔ, k'a mɪsɪrbaa mɪŋŋa ba kan a lanno wɔɔ kɪ, a do a ɔ, η paŋŋa n awɔɔ hɔ ku y, k'a daɔɛ zi ba kan η kɪ, bala, η mɪsɪrbaa denter bɪ hɔjɪrle yɪm sɔ kan awɔɔ kɪ, Woso barka bɪ nɔ ɔ. K'a η da ɔ, kɔ hɔsɪ b'a ta a yaadare nɪ y.

U bɪr hɔɔn deem m

^{VIII} Meer naa do ba mɔɔ nawɔm kan awɔɔ haay kɪ kɛɛɛ: K'a ka, k'a hɔɔn n bɪr deem, a bɪr kɔ cɪcɪr zɛm, a bɪr kɔ ηɔam danyɪbaa nɔ ɔ, a bɪr a mɪŋŋa bam kɔ m, a bɪr mɪŋŋazerle m. ^{IX} A b'a bonyaa sompi gɔaa nɔ y, kɔ gɔaa awɔɔ sonsɔ wɔ, a b'a sonsɔ wɔ sɔ y. Bɪ, k'a barka da ɔ, bala, awɔɔ bɪr Woso ɔ, k'awɔɔ n mɪsɪrbaa ba nɔɪnaaɔ, k'awɔɔ n a barka hɔjɪrle yɪ. ^X Wosoci b'a hɪ, a ɔ: Kɔ gɔaa lɛ taa mɪsɪrbaa ma, k'a taɔɛ n yɪ a ma mɪŋŋa, a zaa a ga m, an meerbaa bonyaa bare to, kan ηɔaarbare kɪ.

XI K'a zaa n a bɔ a bonyaa bare ɔ,
 an a muɲa ba,
 an bir a kam ma tee...
 kɔ laafu n bir gɔɔɔ bire ɔ.

XII Bala, Zuuba mim i gɔɔɔ tɪrgɔɔ wɔɔ ra, an n'a
 tɔr kare η yaadare ma,
 bi, a bir yem gɔɔɔ kɔ η n'a bonyaa bam nɔ wɔɔ
 ma y.

U ye fɪryɪre ma

XIII Bi, k'awɔɔ i zi muɲa bare ηɔare, nka n n'a
 bonyaa bare awɔɔ ni? XIV Baa k'awɔɔ fir yi zi
 muɲa bare tɔ ma, k'a dɔ a ɔ, mimbirenyɪnta m.
 A bi nyi ba gɔɔɔ ni y, b'a b'a heer kɔ y. XV Bi,
 k'a Krista da ɔ a heer nɔ ɔ, a m Zuuba. K'a
 banka muɲa, k'an bir yɪre i ɔ, kɔ gɔɔɔ awɔɔ
 lar taaherle k'awɔɔ n ta m bi mim ma, k'a a da
 ma a ji dɪnda η ni muɲa. XVI Bi, k'a ji dɪnda η ni
 bogɔ-bogɔdabaa m, kan daɔre ki m, a bir noom
 hu m. Maam bi, gɔɔɔ kɔ η n'awɔɔ tɔ zarm, ηn'a
 bonyaa hire awɔɔ tare ma Krista Zuure tɔ ma rɔ
 wɔɔ nyannu bire. XVII Bala, k'awɔɔ i fir yɪm zi
 muɲa k'awɔɔ n'a bam tɔ ma, kɔ Woso hɔɔnhɔ
 m maam ni, naa jira fir yi a bonyaa bare tɔ ma
 m.

Krista ze bi ni wɔɔ bɔmbɔm

XVIII Krista muɲa ga wɔɔ mimbunyaarɔ tɔ ma,
 ga a ɔ galleem deem taan..., a muɲa tɪrga, an
 bɔkare an ga gɔɔɔ bonyaarɔ tɔ ma, a ba a ɔ
 maam, k'a wɔɔ gaa a bɔr wɔɔ m Woso zi, n y'a ze
 gər a mesim nɔ ɔ, Sent-Ǝspri n a ya, an mɪsɪrbaa
 ka ɔ. XIX Sent-Ǝspri bi do a nyɪnta m biisi, an
 Woso lemim pa da m. Pa bi da a ɔ, bayerezanno
 kɔ η nyɪnta ɔ, ηni gɪnga, ηni gəənokɔ ɔ, lɔnnɔɔe

ɔ rɔ wɔɔ m. ^{XX} Bayerezanno wɔɔ duro dɔmum
 ɔ bi, Woso bur a ma, Nowee ni kɔɔlɔɔ bi bam.
 Gɔɔ kɔ η bombɔre yi dɔmum bi do ɔ rɔ wɔɔ bi
 gɔta y, η gɔaa sinnyə ηni bɔlem yi hi bi wakati ɔ.
^{XXI} Dɔtaa sɔ naa, bombɔre bi yi awɔɔ ɔ ncɔnaaɔ
 sɔ, batem kɔ wɔɔ n'a sim bi bɔkɔre m minno wɔɔ
 duro m. Batem bi bur wɔɔ mɛ dintim sɔrgɔre
 y, bi, a ka a nawom wɔɔ ni hɔɔn bɔη ɔ, k'ɔ zu
 Woso ɔ kan noom hu ki. Bombɔre bi yi wɔɔ
 nawɔre ncɔnaaɔ, kɔ Yeezuu Krista a mum bɔ ɔ
 gəəno bire ɔ bi tɔ ma. ^{XXII} A a busu, an ta arzana
 ɔ, an ni nyɔntam Woso bɔsi ra, malɛkarɔ haay
 kan lɛsɔuzanno ki, paŋŋazanno ki haay ni zure
 a lɛ ɔ.

IV

U ɔ gɔ mimbɔnyaa bare ma

^I Ncɔnaaɔ bi, kɔ Krista fir yi a mesim nɔ ɔ bi,
 awɔɔ sɔ, k'a naa da a heer ɔ a dɔ a ɔ, gɔaa k'a fir
 yi a mesim nɔ ɔ bi, a a gɔ mimbɔnyaa ma. ^{II} A n
 a sa dɔtaa ma, k'a dɔmum k'a gɔɔta awɔɔ m k'a
 mɔsɔrbaa ba tara burə ɔ bi sa, a Woso hɔɔnhɔ
 ba m, a b'a sa a letaamarɔ bɔnyaarɔ kɔ gɔɔɔ
 ni η ηɔam bi ba ni y. ^{III} Nyɔnta k'awɔɔ ɔ biisi,
 a bawosodonno mɔsɔrbaa ba bi, a kɔ an bɔrɔbɔ
 kɛere. Dɔmum bi do ɔ bi, ta awɔɔ nawom yɔka,
 a n ni letaamarɔ bɔnyaarɔ m, a n ni bɛɛ mim
 waasi, a n ni hɔ bim waasi, a n ni hɔ mim waasi,
 a n ni yaa dam *wosobaawɔnɔ m zibɔnyaabare
 nɔ ɔ. ^{IV} Kɛere naa, bawosodonno kɔ η ni dɔgare
 awɔɔ ma, awɔɔ bur a mɔŋŋɔɔ kam zibɔnyaarɔ
 nɔɔn duro bare ɔ kan a ki dɔ rɔ wɔɔ, ηn'a dɔ kɔ
 bɔ an n'a hire y, am naa, ηn'awɔɔ sonsɔ wom.

^V Bɪ, Woso zem bɪ ɲ da lɛ ɔ, ɲn'a zi bɔnyaarɔ wɔɔ mim nyɪ bɔ ɔ, Woso mɪɲɲa a banka an nya, k'a gɔɔɔ mɪsɪrɔ kan gæno kɪ dɔdɔ ka. ^{VI} Naa y'a ka, n nɪ lemim nyɪnta bɪ pa da gɔɔɔ kɔ ɲ gɪnga rɔ wɔɔ m sɔ, n brɔɔ dɔdɔ ka, amba n nɪ gɔaa woo... dɔdɔ kam bɪ m, lemim bɪ pa n y'a da ɲ nɪ, kɔ ɲ nɪ mɪsɪrbaa ba Sent-Ǝsprɪ tɔ ma, amba Woso n mɪsɪr bɪ m.

Gɔaa biyæθ n zi ba ganwɔrɛ

k'an ta m bɪ m

^{VII} Hɔ haay nyarɛ a zɔ, maam bɪ, gɔaa biyæθ n bɔr a ma, a b'a zu a ɔ y, k'a a da ma, a bɪr yaa dam. ^{VIII} A n lɛ da haay bɪ, k'a bɪr kɔ ɲɔam paan..., bala, ɲɔarɛ ɪ hɔ kam mimbɔnyaa yɔɔgɔ ra.

^{IX} K'a saana ba kɔ m, b'a bɪ kukur ba y. ^X Woso ganwɔrɛ y'a hɔnhɔ ka awɔɔ gɔaa biyæθ ɔ, gɔaa biyæθ n zi ba a ganwɔrɛ bɪ m, a mim daahan tɔ ma. K'a ba ncɪnaaɔ, amba zibæθnyɪnɔ mɪɲɲɔɔ m, a nyasɔ Woso barka k'a nɪ zi hɔka bam bɪ m mɪɲɲa. ^{XI} Kɔ gɔaa ɪ lemim padarɛ ganwɔrɛ nɪ, k'an Woso lemim pa da. Gɔaa k'a nɪ daahan zi bam bɪ, k'an a ba paɲɲa kɔ Woso a ka ɔ bɪ m. K'a ba ncɪnaaɔ, kɔ Woso n lɛbɔurɛ yɪ hɔ haay woo... nɔ ɔ, Yeezuu Krista tɔ ma. Woso mɪɲɲa y'a sɔ lɛbɔurɛ ɔ, kan paɲɲa kɪ dɔmɪm haay, Amina.

Heernyɔɔ firyurɛ nɔ ɔ

^{XII} M gɔaastɔbɔɔ, a bɪ dɪga fir k'awɔɔ n'a yɪm a sɪrakarɛ tɔ ma naa ma, ɪ ɔ, mim danɲada nɪ, a zɛ kɔdɔ y. ^{XIII} K'a a heer nyɔɔ, bala a na awɔɔ ɔ Krista ma a firyurɛ nɔ ɔ, maam bɪ, k'a lɛbɔurɛ b'a hɪnka, awɔɔ nyɪntam heernyɔɔ nɔ

ʊ sɔ. **XIV** Kɔ ɡɔɔ y'awɔɔ sonso wom Krista tɔ ma, mimbirenyɪnta m kan awɔɔ kɪ, bala, Woso Ǝspri kɔ lɛbɔɔre Ǝspri m b'i kan awɔɔ kɪ. **XV** A b'a ka, awɔɔ ɡɔsɪ n fir yɪ, k'a ɡər zɛ, ɡɛɛ k'a kom ba, ɡɛɛ k'a zi bɔnyaa ba, ɡɛɛ k'a a lɛ zu ɡɔɔ minno ʊ tɔ ma y. **XVI** Bɪ, k'awɔɔ ɡɔaa ɪ fir yɪm, kɔ kristaɡɔaa m bɪ tɔ ma, nyannɪ b'a zɛ y, k'an a lɛ bɔ Woso ʊ denter, kɔ n n'a birm kristaɡɔaa bɪ tɔ ma. **XVII** Dɔmɪm kɔ Woso n nɪ dɔdɔ kam b'a ku, a sa a nawɔm a ɡɔɔ wɔɔ ma. Bɪ, k'a sa a nawɔm wɔɔ ma, ɡɔɔ kɔ ɪ n sɪra ka Woso lemim nyɪnta b'ʊ rɔ wɔɔ, kɔ dɔdɔ bɪ ɪ ku, a yɪre ɪ ma lɔ? **XVIII** Wosoci b'a hɪ, a ʊ:
 ɡɔɔ tɪrgɔɔ bɔmbɔre yɪm,
 B'a wer nyɪntaŋ ʊ.

K'a maam, a nyɪntam ɡɔɔ bɔnyaarɔ kan
 mimbɔnyaabɛnno kɪ ma lɔnlɔ?

XIX Nɛɪnaaʊ bɪ, ɡɔɔ kɔ ɪ nɪ fir yɪm Woso hɔɔnhɔ ma rɔ wɔɔ, ɪnɪ ɡɔɔta ɪn'a mɪŋŋɔɔ to a darezaa Woso wɔ ʊ, ɪnɪ bɪr a mɪŋŋa bam. Taalerazaa m Woso m.

V

Dɔndɔre kristaɡɔɔ lɛzannɔ tɔ ma

I Lɛzannɔ kɔ ɪ nɪ kan awɔɔ kɪ rɔ wɔɔ, mɔɔ ʊ kɔ m ɪ dɔndɔ. Lɛzaa m mɔɔ m sɔ am ɪ hɔ bɪ m, bɪ Krista firyɪrɛrɔ wɔɔ kasetizaa m mɔɔ m sɔ, mɔɔ nyɪntam lɛbɔɔre k'a n'a hɪnkam b'ʊ sɔ. Hɔ kɔ mɔɔ ʊ kɔ m a hɪ ɪ nɪ bɪ ba n nɪ: **II** K'a nyasɔ bakɔ kɔ Woso a da awɔɔ wɔ ʊ bɪ m mɪŋŋa. A bɪ dɔ ma pakra nɪ y, k'a dɔ ma heernyɪnta m, amba Woso lɛ n taa bɪ m. A bɪ dɔ bakɔ bɪ ma sɔ, k'a busoo yɪ y, bɪ k'a dɔ ma kan a heer kɪ haay. **III** A

b'a so gɔɔɔ kɔ Woso η da a wɔ ɔ rɔ wɔɔ ɔ paŋŋa ni y, bi k'a a tɔ ɔ k'a hɔbaaro n bir miŋŋa, kɔ gɔɔɔ n a da ma ηni η sa. ^{IV} K'awɔɔ ba ncinaaɔ, kɔ dundonno jitaare bi bi bur, a y'a kam awɔɔ n nyɪnta a leɔɔɔre k'a bir a zarm bi nɔ ɔ.

Dondore kristagɔɔɔ wɔɔ to ma

^V Gɔɔɔ kɔ η gɔɔta rɔ wɔɔ, k'a ye leezanno wɔɔ ma. Awɔɔ haay k'a bir miŋŋazerle m kan kɔ ki, bala, Wosoci b'a hi, a ɔ:

Woso bir yem miŋŋabusurezanno wɔɔ ma y, b'a y'a barka bi kam miŋŋazerlezanno ɔ.

^{VI} K'a miŋŋɔɔ zer Woso taa, a paŋŋa i le da haay, maam bi, a y'awɔɔ gore dan ɔ a dɔmum ɔ. ^{VII} K'a minno kɔ η n'awɔɔ kɔm nɔ wɔɔ haay da a wɔ ɔ, bala, a miŋŋa i nyasore awɔɔ m.

^{VIII} A b'a zu a ɔ y, k'a dundo a zi. Sutaana awɔɔ jum b'i kumkum lee ma am poozaa hɔ bi m, an ni baa dam, an n'a kam gɔaa ma k'a nyasɔ a bi.

^{IX} K'a a da a le ɔ kɔɔkɔɔ, sɪrakare nɔ ɔ, a dɔ a ɔ, awɔɔ firyɪrɪrɔ wɔɔ y'awɔɔ danyɪno yɪm sɔ durnya b'ɔ jilli. ^X Awɔɔ i fir yɪm dɔmum poore nɔ ɔ, bi, Woso k'a a so barka do haay ɔ, an awɔɔ bir, k'awɔɔ n nyɪnta a leɔɔɔre k'a nyare ba ɔ nɔ ɔ, Krista zuure nɔ ɔ bi y'awɔɔ bankam fasi, an awɔɔ paŋŋa da ra, an a ka awɔɔ n jum kɔɔkɔɔ, hɔsɪ b'a dare awɔɔ ma y. ^{XI} A y'a so paŋŋa ɔ dɔmum haay. Amina.

Meerbaa nyamburle kan leersore ki

^{XII} Wɔɔ danyɪ Silas mɔɔ da ɔ, an ci poore naa gɔrsɪra ba, kɔ m a nyɔɔ awɔɔ ma. Mɔɔ i dɪgam ma sɪrabarezaa sɪrakare bi nɔ ɔ. Ci bi ba mɔɔ ɔ awɔɔ ma, kɔ m awɔɔ heer yo, kɔ m a hi a m

paan... m u, Woso barka denter b'awoo n a no u naa, k'a goota a no u koo koo. ^{XIII} Goo koo Woso η ba a gooo ro woo sokoma k'a nu *Babilonnu u naa u b'u yaa dare a m. Moo nyi Marku i yaa dare awoo m so. ^{XIV} K'a yaa da ku m miηηa-miηηa danyibaa no u.

Bi, ku Woso laafu n bir kan awoo haay k'a nu Krista no u ro woo ki.

Wosoci Gaaababaa Daa

Bisa: Wosoci Gaaababaa Daa New Testament

copyright © 2001 Wycliffe Bible Translators, Inc.

Language: Bissa

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 21 Feb 2024 from source files dated 29 Jan 2022

b9a8abe9-82bd-5507-a45a-13023081ebc2